

# 讀書錄

八之十一

東 京 圖 書 館			
漢書門	儒學類	函架	冊號
<del>六〇二二</del>			
<del>八〇二</del>			

漢 書 門			
類	號	函架	冊
<del>六〇二二</del>			
<del>八〇二</del>			

內閣文庫	
番號	漢 6022
冊數	8 ( 4 )
函號	299 86



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







讀書錄卷之八

所謂知幾者於事未形著而識其微也非聖人其孰能之乎

淺草文庫

凡禍患伏于無形之中惟聖人則知幾而防之於未然故能消其禍衆人不知幾而圖之于已著則已無及矣

迷於利欲者如醉酒之人不堪其醜而已不覺也耳目之聰明為魄魄者形之神也鼻之呼吸為魂魂者氣之神也人有許多聰明知識者魄之為也有許多呼吸運動者魂之為也



欽本  
作克  
恐是

堯之欽明峻德以至黎民於變時雍舜之慎徽五典  
以至烈風雷雨弗迷與孔子之克己復禮之斯  
行緩之斯來動之斯和皆聖人作用神速功效  
史臣首叙堯舜禹之事有乾坤之道焉堯曰欽明舜  
曰重華禹曰祗承則堯舜為乾禹為坤可見帝降  
而王殆以此歟  
後人不知大臣之道但得高官厚祿即有自滿之色  
觀臣克艱厥臣及為臣不易之語祿位果可自滿  
乎  
動而不息者陽魂也靜而有識者陰魄也

存氣如泉源清之數亦不能清矣君子所以貴乎存  
息也

仁是嫩物譬之草木嫩則生老則枯

寐而感虛而實此吾儒與釋子不同處

變化無須更之止息

自不知其所以然而然者造化也

天地之大德曰生無間斷無空缺

知而不仁如老莊之流是也

靜中之識曰魄動中之靈曰魂

草木之敷榮暢茂者神之迹其凋落枯悴者鬼之迹

知至至之窮理也知終終之盡性以至於命也  
朱子曰誠之有物不待形而有蓋雖冲漠無朕之中  
而萬象森然已具矣

理義之心不可少有間斷孟子所謂勿忘是也  
心斯須不存即與理義背馳可不念哉

烝民之詩二五之疇同一義也

至誠無息者大德之敦化萬物各得其所者小德之

川流

一本萬殊殊與本不可分而為二

朱子曰聖人作易因陰陽之實體為卦爻之法象此

見作易之本義

天地設位而易行乎其中天之生生不已也成性存

存道義之門理之生生不已也

知禮皆性也人能知崇如天禮異如地便是成性存

存而道義自此出也人之知不能如天之高禮不

能如地之卑是壞其性而不存道義何自而出哉

反此則成性存存而道義出矣

只知崇禮卑便是成性存存

知崇禮卑成性存存應天地設位道義之門應易在

其中矣

博文知崇也約禮禮卑也

中庸之道問學致廣大盡精微極高明溫故知新皆易知崇之事尊德性道中庸敦厚崇禮皆易禮卑之事

天者陽氣之實體地者陰形之實體成性即天地存存即設位道義之門即易行乎其中夫子之德溫良屬仁儉屬義恭讓屬禮近世易書詩春秋四書傳註之外世儒纂集諸家之說附釋其後雖時有發明其實太繁複汗漫而學者終不能遍觀而盡讀反於正經本旨日至蔽隔

支離先儒燭籠之譬正如此道之不明科舉之學害之也

四書集註章句之外倪氏集釋最為精簡其他割裂舊說附會己意但欲起學者之觀聽圖足名之不朽駁雜浩穰害理尤甚

自朱子沒而道之所寄不越乎言語文辭之間能因文辭而得朱子之心學者許魯齋一人而已雲而雨者自無而有雨而晴者自有而無雷霆風露之類亦然

太極中無所不有分而為陰陽五行男女萬物無不

不在

元亨利貞文王之言也其理無窮

聖賢之書垂訓萬世本欲開明天理使人反求諸身

心而得其實自朱子沒士子誦習其說者率多以

為出身干祿之階梯而不知反已以求其實聖賢

垂訓之意果安在乎

寒暑往來有一定之節萬物生育有一定之形人倫

綱常有一定之理是皆太極為之至窮天地亘古

今而不易者也

新竹有露者津液上行結而為露也如人髮中有汗

則下一  
本百言  
字恐是

然曹縣分司偶  
觀新竹記此不與入車馬不計

因觀鳥鳥哺其雛仁心藹然可見

天地分明一太父母生無限小父母來

知道則自簡一野也亦山亦水亦林亦石一也百教

漢高祖取天下木柢能相群策如下陳留用酈生之

策還軍霸上致葉關用樊噲張良之策徙漢中東

兵用韓信之策守滎陽成皋又用酈生之策捐金

間楚用陳平之策封韓信齊王追項羽垓下以地

封韓彭英布使自為戰又用良平之策及天下已

定徙都關中用劉敬之策悉收群策而用其長此

所以破秦滅楚不五載而成帝業  
枚乘曰欲入無聞莫若勿言欲入無知莫若勿為又  
曰積德累行不知其善有時而用棄義背理不知  
其惡有時而亡此皆名言也  
朱子曰其心明乎正理而無蔽然後其言平正通達  
而無病此知言所以能知人也  
天地萬物皆一理也天地萬物各有其一分分殊也  
通書一誠字括盡  
通書與太極圖表裏  
只一復卦多少義理天道人事無不備

讀易在識時勢  
存心不失為中應事不差為和  
中也者至德也和也者要道也  
地泥城隍墻皆土也孝慈恤愛惻怛皆仁也理一分  
殊於此亦可見  
親親而仁民仁民而愛物其理一為仁分殊為義  
陰陽合則魄凝魂聚而有生陰陽判則魂升為神魄  
降為鬼易太傳所謂精氣為物遊魂為變故知鬼  
神之情狀者正以明此書所謂徂落者亦以升降  
為言耳此中庸或問朱子之言死生之說不過如

偶一本  
作偶恐  
是

已一本  
作身

昔人訓皇為太極為中皆虛字也朱子非之謂皇為  
君極猶屋極之極則二字皆實矣蓋謂極居此物  
之中則可便謂極為中則不可近因道出武定州  
壯隅觀郵亭撮頂下木居中象木四面轉之此正  
所謂極也因朱子之說而記余之所見如此  
太極圖假象以顯義  
無輕民事惟艱無安厥位惟危豈惟為人君當然哉  
凡為人臣者亦當守此以為愛民保己之法也  
周公作無逸告成王遠舉殷之三宗皆繼體守成之

君欲成王有所法也近舉太王王季文王皆周先  
哲王欲成王有所嚴憚以脩其德也其意切矣  
無逸書後世為人君者宜寫一通置之座右  
嚴恭寅畏天命自度乃無逸一書之要  
天轉正如車輪之轉蓋側轉也如八月初昏斗柄指  
酉至天將明時看之則斗柄却指卯矣以是知天  
一晝夜側轉一周而斗柄亦隨天翻轉指卯也  
讀昂刑之書穆王不訓德而訓刑又可見當時世道  
之愈下矣



幾字古聖人已言之至周子發明尤親切耳

性理大全書以周子太極圖冠於篇端默識而旁通

之則一書之理不外是矣非獨性理大全一書不

外乎是以至五經四書與凡聖賢之言又豈有出

此圖之外者哉嗚呼其旨深矣

康節曰一動一靜之間乃天下之至妙至妙者蓋指

貞元間太極也周子曰太極動而生陽動極而靜

靜而生陰靜極復動蓋靜極復動即貞下起元即

康節所謂貞元間太極也

程子謂中庸始言一理中散為萬事末復合為一理

蓋始言一理即天命之性也中散為萬事即達道

達德九經天道人道之屬無非天命之性末復合

為一理上天之載無聲無臭又即天命之性矣

不論人之賢否但見勢利即傾慕豈非失其本心乎

噫弊也久矣

高則明博則厚觀之天地可見

凡物虛則有神如鼓虛則響鐘虛則鳴心虛則靈

日入而群動息日出而群動作一息一作者其易之

謂與

太聾不入于里耳折楊皇琴則嗑然而咲高言不上

于衆人之心驗之世俗誠然  
朱子註四書明聖賢之道正欲學者務為己之學後  
世皆藉此以為進身之階梯夫豈朱子註書之初  
意哉  
夏葛冬裘饑食渴飲朝作暮息之得其正者皆時中  
也  
張之極者必翕強之極者必弱興之極者必廢與之  
極者必奪乃造化消息滿虛自然之理老子意欲  
翕之乃固張之意欲弱之乃固強之意欲廢之乃  
固興之意欲奪之乃固與之此程子所謂竊弄闔

闢而為術也

太極圖只是陰陽兩端循環不已而理為之主

太極圖天地古今陰陽寒暑晝夜死生剛柔動靜無

不括盡

太極圖遠而萬古近而一息無能外者

先天圖十月純坤初爻中已有十一月復卦初爻之

根即太極圖右半陰中陽也先天圖四月純乾初

爻中已有五月姤卦初爻之根即太極圖左半陽中

陰也由是觀之先天與太極圖亦未嘗不合

靜者太極圖斯須離之不可得也

謙者聖人之誠心非為有所取於人而然也老子乃曰聖人歆上民必以言下之歆先民必以身後之則是出於有意之私而非聖人誠心之謙德矣史記日者季主之言深有中於學者古人用字最密如冒色之冒字是也火木陽也生於陰陰中有陽也水金陰也生於陽陽中有陰也

心所具之理為太極心之動靜為陰陽忠信立身之本惟誠無間斷破缺

詔一作木林

周程張朱真儒也四子辯佛老之非至矣學者讀四子之書而乃匍匐佛老之奴隸是豈真知四子而能讀其書者哉

學者得如周程張朱之為久亦可矣四子不好佛而學者乃好之則是為人不求如四子之賢而好佛乃求過于四子也惑之甚矣

即無極而太極觀之冲漠無朕之中萬象昭然已具所謂體用一源也即陰陽五行男女萬物觀之而此理無所不在所謂顯微無間也

體用一源不可分體用為三顯微無間不可分道

為三

以武王之聖而不知夷齊之賢豈非命歟

只是一箇性分而為仁義禮智信散而為萬善

義者天命之性也君子行義而盡其性則天命在是

矣

所行者善則吉所行者惡則凶所謂無卜筮而知吉

凶也

中庸之理不離乎動作語默人倫之間知者鮮矣

過一分為太過不及一分為不及此中庸所以為難

也

程復心四書章圖破碎義理愈使學者生疑

程復心將太極圖中着一氣字又從而釋之曰太極

未有象數惟一氣耳乃漢儒西為一老莊指太

極為氣之說其失周子朱子之旨遠矣

理氣密匝匝地真無毫髮之縫隙無大無小無內無

外一以貫之

盡事親之道而得其仁盡事君之道而得其義盡夫

婦之道而得其和盡事兄之道而得其禮盡朋友

之交而得其信皆所謂下學人事上達天理也以

至盡耳目口鼻手足之道而得聰明止肅恭重之

和當  
作知

理又皆所謂下學人事上達天理也  
 西銘明理一而分殊太極圖自一理二氣五行成男  
 成女而化生萬物亦無往而非理一分殊也  
 父母生子耳目口鼻四肢百骸無不備人子能體其  
 全而歸之斯謂之孝天之生人五常百行之理無  
 不全人能以事親之心事天於天所賦之理無一  
 之或失則亦天之孝子矣  
 理為萬物之一源理一也萬物各得理一分殊也  
 天道無言而四時行萬物生聖人不言而四德著萬  
 善全其致一也

大德敦化理一也小德川流分殊也  
 氣質極難變十分用力猶有變不能盡者然亦不可  
 以為難變而遂懈於用力也  
 畫前之易太極中森然已具者也  
 太極雖冲漠無形而兩儀四象八卦以至六十四卦  
 無窮之數已森然具於其中矣  
 太極兩儀四象以至六十四卦體用一源也自六十  
 四卦以至兩儀太極顯微無間也  
 余往年讀楚詞喜其華今讀楚詞喜其實蓋其整戒  
 之言亦皆切已之事也

為一本  
作能

目之逐物最為喪德故四勿以視居先

私意最難去故程子謂克己最為難事惟嘗用力者

知其難

男女之欲天下之至情聖人能通其情故家道正而

人倫明

欲心一動如火之熾如水之溢非用大壯之力莫能

正其欲

老子曰不見可欲使心不乱其言亦可取焉

伏羲則河圖以畫卦太禹法洛書以叙疇聖人之心

與天地之心分明為一

未有天地萬物而天地萬物之理已具于冲漠無朕

之中未有兩儀四象八卦而兩儀四象八卦之理

已具于太極之內乃所謂體用一源也

即樹根觀之須思未有根之先而冲漠無朕之中而

樹根之理已具速夫氣機一動資始資生而理亦

隨之樹之根由是生焉

太極圖理一分殊

觀春草從地迸出無絲毫之空隙則道莫能破可知

天地萬物體皆虛而理則實

四時温煥寒涼之氣人體無不覺者則人與天地同

大極是也一作其大極字

體可知

程子曰理無形也故假象以顯義非特易為然太極

圖亦是已

無窮盡無方體太極是也

理本無名字字之曰太極

有高才能文章坐此而取敗者多矣如禰衡孔融之

徒是也非特古為然今亦有之可不戒哉

太極圖水火木金土五箇小圈子即五行各具一太

極也其下一小圈子乃理氣妙合而無間也又下

一太圈子乃氣化生出男女牝牡鳩鴿而各具一

太極也又最下一圈子乃男女已生之後形交氣感形化萬物而各具一太極也

太德敵化者中也性也一也小德川流者和也情也

貫也

讀太極圖說句句體貼向身上看自有無窮之味

以太極圖反求之身心動靜之間無一不合

天地陰陽古今萬物始終生死之理太極圖盡之

良心開而天理明猶山徑之蹊開介然用之而成路

良心蔽而天理暗猶為間不用而茅塞也

自子至午陽氣方息而伸者神之迹自午至亥陰氣

一無也字

方消而屈者鬼之迹也。志於中而不可易故又謂中是性情恰好的道理以其平常而不可易故又謂之庸。非中之外別有所謂庸也。不然則中而大中之理所包甚大在於心而不偏不倚發於情而無過不及以其可以常行不可易故又謂之庸。

子在川上曰逝者如斯夫不舍晝夜即中庸之至誠無息也。天下之獄自古不得其平者多矣。堂刑者可不擇其人乎。

偶過長清知已斷一獄事不得其乎重有感于心而

一本正  
統以下  
十八字  
分行細  
書且平  
燈間有  
分司二  
字

知天下之獄不得其平者多矣。平統四年十一月十九日荏平燈下書上兩節。个臣巧文以避罪非忠也。

兩露雪霜只是天地之氣凝結而成者如人之呵氣遇冷成冰結鬚其理可見。

春秋之時諸侯擅相征伐會盟而不知有天子之命非義甚矣。

禮樂征伐不出于天子春秋所由作。

事物當然之理如父子之仁之類是也。所以當然之故乃仁義禮智所自來在天為元亨利貞是也。



春秋書夫人姜氏會齊侯于禚夫人姜氏會齊侯于穀所  
謂直書其事而其義自見也

春秋書法意在言外

春秋辭雖謹嚴而意實忠厚

春秋直書其事使人思而得之

諸儒解經多入外意惟朱子只主本義而無反論

春秋大抵多微辭

聖人作春秋其微意真非數千載之下所能窺測若

款句句字字盡釋其義竊恐不能無穿鑿之弊

正統以下  
十八字一  
本分行細  
書且分司  
夢得此語  
作夜夢  
中得此語  
句七字因  
記之下有  
時在山東  
四字

讀春秋大義可見者尊君父討亂賊內中國外夷狄  
貴王賤霸而已

莊子曰道者萬物之所由也庶物失之者死得之者  
生為事逆之則敗順之則成故道之所在聖人尊

之此言近正

安其內不求于外見其大而畧於小正統五年正月

十八日分司夢得此語因記之

小人不可與盡言

道以善不可則止其知幾乎

待小人嚴而和所謂不惡而嚴也

分外之事一毫不可也

易大象皆以義理言

天何言哉吾無隱乎爾與曾點言志之意皆天理流

行之妙

言要緩行要徐手要恭立要端以至你事有節皆不

暴其氣之事

約其情使合于中亦養氣之事也

怒至於過喜至於流皆暴其氣也

資始資生固乾元之氣而其理則太極也

風霆雨露之氣所以成物者皆太極之所為也

太氣發生一切有形之物而太極為之主

以鼻息觀之呼感得吸來吸感得呼來

暑為感感得寒來則寒為應寒復為感感得暑來則

暑為應應又為感感又為應于是見感應之無端

感應之理于太極圖陰陽五根見之

太極圖一善言見一善行沛然莫之能禦即感而遂

通天下之故也

感自外來應由中出

天地寒暑今往盛衰其密移之機無毫髮之間斷

謀利計功乃今欲之私學者之通患也

也子

入倫一  
本作綱  
帶

大而人倫小而言動皆理之當然纔有有為之心雖  
所行合理亦是人欲容於天理之間  
王伯之分正在不謀利計功與謀利計功之分  
學者自幼便為謀利計功而學宜其不足以入堯舜  
之道  
絕謀利計功之念其心超然無係  
萬化交則通不交則隔礙而不能成化功  
太極圖如水一源流而為千支萬派却都只是源頭  
水也  
示十四卦只是奇一偶值因所遇之時所居之位

不同故有無窮之事變如人只是一動一靜但因  
時位不同故有無窮之道理此所以為易也  
因小生對句便知有陰陽  
太極只是性  
太極是性之表德  
宋文帝子劭平盡事覺不能斷以大義誅之卒有合  
殿之變正所謂為人君父不通春秋之義者必蒙  
首惡之名也  
聖賢著書立言句句明理非欲言詞之富麗也  
易橫圖一而二二而四四而八八而十六十六而三

十二三十一而六十四太極圖則一理二氣五行  
男女遂至于化生萬物雖所推有詳畧之不同其  
為理氣則一而已矣

太極圖上一圈純以理言而其下餘圈則兼以氣言  
然上一圈即在下餘圈之中所謂精粗本末無彼  
此也

人熟寐而有知覺正如細坤卦下一爻中有陽動之  
幾也其理妙矣

如王莽之徒竊入之國皆引先王之事以文其奸即  
莊子所謂儒以詩禮發冢者歟

飛魚躍即取之左右逢其原之意言道無所不在  
也

為而必戾于天魚而必躍于淵父必慈子必孝君必  
仁臣必敬兄必愛弟必恭夫必義婦必從以至四  
體百骸之有其則昆蟲草木之若其性陰陽日月  
風霆雨露之各以其時皆為飛魚躍之意所謂活  
潑潑地也

物之觸目觸耳者皆活潑潑地之理  
風動林木即為飛魚躍之意  
屈以感伸伸為應伸又感屈屈為應屈又感伸伸又

名一本作  
格

感屈伸感應如循環之無端  
二程之名言朱子采入四書集註或問中者多矣求  
二夫子之心者當于此觀之  
身在堂上方能辨堂下人曲直故有知言之明乃可  
以折衷群言不然去取必失其當  
讀書講明道義求日用之實理也若讀書而不講明  
道義則溺心于文字之間終不能知實理之所在  
明德新民止于至善下文即繼之以知止而後定靜  
安慮得以及見明德新民之止于至善皆由知止定  
靜安慮而後得止于至善也

男女氣化之本極與萬物形化之太極一也  
氣化言男女而萬物在其中形化言萬物而男女在  
其中互文也  
但是血氣之物靈于他物  
飛潛動之物靈于植物而人又動物中之尤靈者也  
搖扇有風見天地間無處無氣  
人雖各是一體其實與天地萬物渾融相合無一毫  
之間  
蕩滌胸中無一毫之私累可以言大矣  
應事纔應即休不可須臾留滯為心累

和從中上流出來中是和之源頭一而二二而一者  
也即此中上之流出來中是和之源頭一而二二而一者  
庸即中和之理平常而不可易者非中和之外別有  
所謂庸也  
涵養本原是尊德性之事學索義理是道問學之事  
中和不可須臾離蓋靜而不存則有不中動而不察  
則有不和此中和所以不可須臾離也  
人之學道由經而入窮經有得則道不在經者可默  
識矣  
學須有覺方得總會處

朱子論造化之精約莫過于太極圖解  
水能鑑物故智屬之金能斷物故義屬之木有生意  
故仁屬之火則文明故禮屬之土則質實故信屬  
之  
屋極壯極為有形之極太極乃無形之極也故曰太  
極本無極皇極之極以物之在中而言如屋極壯  
極之義若即訓極為中則非矣  
莊子曰至人之用心若鏡不將不迎應而不藏程子  
所謂形容道體之言此類是也  
人日用求太極只中正仁義便是此理然仁義中正

鐵下一本  
有石字恐  
是

是各具之太極五性未發乃統體之太極也  
五經四書小註不勝其繁讀者誠有文滅質博溺心  
之患  
非有過人之識而欲纂集群言以折衷聖賢之經旨  
多見其不知量也  
鐵中生火陽生于陰也  
就天地萬物中各具一理者各具之太極也合天地  
萬物為一理者統體之太極也  
天地間理無空缺處人終日在太極中而不知也  
忠信積久可孚于人不然則言出而人弗信矣

輕言戲謔最害事蓋言不長發則言出而人信之苟  
輕言戲謔後雖有誠實之言人亦弗之信矣  
一失人則人皆莫之與孤立而無助矣  
輕諾則寡信易曰脩辭主其誠故慎言乃進脩之要

讀書錄卷之八

讀書錄卷之八

七

讀書錄卷之九  
 天地萬物皆物也天地萬物之理其則也  
 無物不有無時不然此言宜時時深體之  
 無極而太極天地本然之性也陰陽太極氣質之性  
 也天地本然之性就氣質中指出不雜者言之氣  
 質之性即本然之性墮在氣質中者初非二性也  
 雷電風雨參錯交動於下而太虛之本體自若萬事  
 萬變紛紜膠擾於外而吾心之本體自如  
 孟子曰君子深造之以道歎其自得之也道者進為  
 之方如學問思辨博文約禮之類是也循此而進

讀書錄卷之九

舉天地萬物皆物也天地萬物之理其則也

無物不有無時不然此言宜時時深體之

無極而太極天地本然之性也陰陽太極氣質之性

也天地本然之性就氣質中指出不雜者言之氣

質之性即本然之性墮在氣質中者初非二性也

雷電風雨參錯交動於下而太虛之本體自若萬事

萬變紛紜膠擾於外而吾心之本體自如

孟子曰君子深造之以道歎其自得之也道者進為

之方如學問思辨博文約禮之類是也循此而進



潛翫積久則有自得之妙不循此而進徒事于記誦辭章之末欲求自得之妙難矣書載堯舜之行事皆先德行而後事功事功之大者莫大于用人之一事觀諸二典可見矣有物有則于六十四卦三百八十四爻見之陳仲子亡親戚君臣上下其廉為小鄧釋氏滅天理人倫以潔其身果何道哉敬之詩曰學有緝熙于光明則成王之學日進于高明矣感而遂通天下之故者元亨誠之通寂然不動者利

貞誠之復元亨利貞亦于人心見之觀敬之詩成王真得傳心之學者也視箴曰蔽交于前其中則遷所謂蔽者非止謂非禮未之色凡見一切可好之物目逐之而動者皆是也讀西銘如見天之大全為學第一在變化氣質不然只是講說耳西銘自乾父坤母至兄弟顛連而無告者一節皆狀仁之體自于時保之至沒吾寧也皆求仁之方余病頭風久不敢讀書因念克伐怨欲不行可以為難之語原憲之學尚未至于仁况未至於憲之學

者可不勉乎

聽人之言便識其學之淺深  
聖人之博博而約以其有此理也衆人之博但務聞  
見之廣而不察其理之有無此所以異于聖人之  
博也

好為怪異不經之談者不明理也

朱子小學一書理與事而已內篇之立教明倫敬身  
通論言其理也稽古之立教明倫敬身通論實之  
以事也外篇嘉言之廣立教明倫敬身又以理言  
也善行實立教明倫敬身又實之以事也然理精

例上文行  
下當有之  
字

也本也事粗也末也本末精粗  
以貫之其小學  
之書乎

先儒月映萬川之喻最好喻太極蓋萬川總是一月  
光萬物統體一太極也川川各具一月光物物各  
具一太極也其統體之太極即各具之一本其各  
具之太極即全體之萬殊非有二太極也

推之於前不見其始引之於後不見其終此所謂動  
靜無端陰陽無始也

仁義禮智信五字括盡小學一書亦括盡五經四書  
人纔動即有差故君子慎動

見理明則處事熟如庖丁解牛

太極中涵陰陽五行男女萬物之理體用一原也陰

陽五行男女萬物具太極之理顯微無間也

冲漠無朕之中而萬象森然已具體用一原也即事

即物而理無不在顯微無間也

體用一原顯微無間見道器合一之妙

周子太極圖畫出理氣示人

體用一原顯微無間動靜無端陰陽無始其大無外

其小無內非知道者孰能知之

周子太極圖說字字貼在圖上朱子解亦然

聖人言性與天道惟於贊易極言之耳平日與門人

言者極少

道以渾淪言之義以條理言之

孔子弟子知孔子者不過顏曾二子其次惟子貢庶

幾焉

張子曰富有者大無外日新者久無窮其皆深矣

自矜自伐者皆不能克有己之私也

大而無外天道之於穆也久而無窮天道之不已也

動靜者陰陽也所以動靜者太極也蓋太極有動之

理故動而生陽太極有靜之理故靜而生陰

孔子之  
子一本  
作門  
一本大下  
久下若  
而字

天地公共之理人得之為性人能盡其性是亦公共之理耳無可矜伐者故程子曰達理則樂天而不競內充故退讓而不矜人在在處處時時刻刻事事物物皆道也須要識得聖人之言如著龜曰吉則吉曰凶則凶其言則禮樂只在進反之間蓋進而盈溢樂也以反為文退而收斂禮也以進為文惟正足以服人孔子微辭與義多在繫辭伊川微辭與義多在易傳德是得于心行是德之見于事者如仁義禮智德也

仁形于孝親義形于事君禮形于長幼智形于夫婦之類皆行也治衰狄之法只當謹守疆場勿使侵軼而已窮治不已必為中國患如秦皇漢武是也二十三四夜深時月初出東方其終魄于東之光比未望載魄之光尤光明者蓋初昇之日光未甚西下之日色故其光明如此合平經四書與周程張朱之書不讀而讀他書者是猶惡觀泰山而喜丘垤也聖人不怨天不尤人心地多少灑落自在常人纒與

又<sub>レ</sub>不<sub>レ</sub>合<sub>レ</sub>即<sub>レ</sub>充<sub>レ</sub>又<sub>レ</sub>纔<sub>レ</sub>不<sub>レ</sub>得<sub>レ</sub>于<sub>レ</sub>天<sub>レ</sub>即<sub>レ</sub>怨<sub>レ</sub>天<sub>レ</sub>其<sub>レ</sub>心<sub>レ</sub>急<sub>レ</sub>技<sub>レ</sub>勞<sub>レ</sub>  
擾<sub>レ</sub>無<sub>レ</sub>一<sub>レ</sub>時<sub>レ</sub>之<sub>レ</sub>寧<sub>レ</sub>泰<sub>レ</sub>與<sub>レ</sub>聖<sub>レ</sub>人<sub>レ</sub>之<sub>レ</sub>心<sub>レ</sub>何<sub>レ</sub>啻<sub>レ</sub>霄<sub>レ</sub>壤<sub>三</sub>  
必<sub>レ</sub>上<sub>レ</sub>達<sub>レ</sub>乃<sub>レ</sub>有<sub>レ</sub>天<sub>レ</sub>知<sub>レ</sub>之<sub>レ</sub>妙<sub>レ</sub>米<sub>レ</sub>之<sub>レ</sub>養<sub>レ</sub>不<sub>レ</sub>虧<sub>レ</sub>而<sub>レ</sub>能<sub>レ</sub>出<sub>レ</sub>者<sub>レ</sub>是<sub>レ</sub>  
中<sub>レ</sub>庸<sub>レ</sub>言<sub>レ</sub>知<sub>レ</sub>天<sub>レ</sub>地<sub>レ</sub>之<sub>レ</sub>化<sub>レ</sub>育<sub>レ</sub>是<sub>レ</sub>聖<sub>レ</sub>人<sub>レ</sub>之<sub>レ</sub>心<sub>レ</sub>與<sub>レ</sub>天<sub>レ</sub>為<sub>レ</sub>一<sub>レ</sub>論<sub>レ</sub>語<sub>レ</sub>  
言<sub>レ</sub>知<sub>レ</sub>我<sub>レ</sub>者<sub>レ</sub>其<sub>レ</sub>天<sub>レ</sub>乎<sub>レ</sub>是<sub>レ</sub>天<sub>レ</sub>與<sub>レ</sub>聖<sub>レ</sub>人<sub>レ</sub>之<sub>レ</sub>心<sub>レ</sub>為<sub>レ</sub>一<sub>レ</sub>未<sub>レ</sub>是<sub>レ</sub>西<sub>レ</sub>  
學<sub>レ</sub>者<sub>レ</sub>多<sub>レ</sub>以<sub>レ</sub>言<sub>レ</sub>語<sub>レ</sub>觀<sub>レ</sub>聖<sub>レ</sub>人<sub>レ</sub>而<sub>レ</sub>不<sub>レ</sub>察<sub>レ</sub>其<sub>レ</sub>天<sub>レ</sub>理<sub>レ</sub>流<sub>レ</sub>行<sub>レ</sub>之<sub>レ</sub>實<sub>レ</sub>有<sub>レ</sub>  
不<sub>レ</sub>待<sub>レ</sub>言<sub>レ</sub>而<sub>レ</sub>顯<sub>レ</sub>者<sub>レ</sub>是<sub>レ</sub>以<sub>レ</sub>徒<sub>レ</sub>得<sub>レ</sub>其<sub>レ</sub>言<sub>レ</sub>而<sub>レ</sub>不<sub>レ</sub>得<sub>レ</sub>其<sub>レ</sub>所以<sub>レ</sub>言<sub>レ</sub>  
益<sub>レ</sub>能<sub>レ</sub>得<sub>レ</sub>其<sub>レ</sub>所以<sub>レ</sub>言<sub>レ</sub>則<sub>レ</sub>于<sub>レ</sub>聖<sub>レ</sub>人<sub>レ</sub>之<sub>レ</sub>言<sub>レ</sub>便<sub>レ</sub>知<sub>レ</sub>聖<sub>レ</sub>人<sub>レ</sub>身<sub>レ</sub>  
上<sub>レ</sub>何<sub>レ</sub>者<sub>レ</sub>是<sub>レ</sub>仁<sub>レ</sub>言<sub>レ</sub>義<sub>レ</sub>便<sub>レ</sub>知<sub>レ</sub>聖<sub>レ</sub>人<sub>レ</sub>身<sub>レ</sub>上<sub>レ</sub>何<sub>レ</sub>者<sub>レ</sub>是<sub>レ</sub>義<sub>レ</sub>以<sub>レ</sub>至<sub>レ</sub>  
聖<sub>レ</sub>人<sub>レ</sub>凡<sub>レ</sub>所<sub>レ</sub>言<sub>レ</sub>之<sub>レ</sub>理<sub>レ</sub>皆<sub>レ</sub>于<sub>レ</sub>聖<sub>レ</sub>人<sub>レ</sub>身<sub>レ</sub>上<sub>レ</sub>求<sub>レ</sub>其<sub>レ</sub>實<sub>レ</sub>則<sub>レ</sub>天<sub>レ</sub>理

流行之實有不待言而著者可默識矣  
宋儒亦有流于禪者不可不察  
偶見一伶人于三層桌頭頂一木童可謂危矣因  
笑自喻曰此伶此童此際俱無邪心何也以恐懼  
之心勝也賤技且然君子學道必常存戒懼之心  
如處至危之地斯無邪心矣苟安于怠惰放肆則  
無限之邪心竊從而生矣  
處事識為先斷次之  
當大任有一毫私心必見之  
不自知其過者不明也

作官常知不能盡其職則過人速矣

處太事不宜大厲聲色付之當然可也

以己之款知人之款亦猶是以己之勞知人之勞亦

猶是當推以同之

省察存養不可毫髮間斷

作官一事不可為

朱子曰觀其始念之不正知其終之有救蓋人之相

交始合不以正故其無隙于終者難矣故交在謹

始

人以說而動未有不失其正者

一本分  
無非以  
下為別  
條

礎潤而天雨霜降而鐘鳴氣類相感也

心無妄思口無妄言身無妄動安得有差故有差者

皆妄也無妄之義大矣

道無待于言而著無非道也識者鮮矣

人譽之使無可譽之實不可為之加喜人毀之使無

可毀之實不可為之加戚惟篤于自信而已

人之立當斷于心若實見得是當決意為之不可

因个言以前却而易其守

纔呼即吸纔吸即呼無纖毫之間陰陽消息亦然天

人之理一也

時開問  
一本有右  
塞時三  
字

察于安危寧于禍福謹于去就莫之鮮矣也萍生之  
言亦可取  
靜可以制動  
大者弗察掇拾小者以為之不知類甚矣  
人真實有命不可以僥倖易其守  
心有開時開時見是理無物不有無時不然塞時則  
不見矣故為學要時  
孔子曰死生有命富貴在天是皆一定之理君子知  
之故行義以俟命小人不知故行險以僥倖

為治一  
本作事  
之

謂一本作  
為恐是

為治遠者大者不務而近小是急衆人之見也  
為政須通經有學術者不學無術雖有小能不達大  
體所謂不過習吏法律之事爾  
識量大則毀譽欣戚不足以動其中  
人能忍人不能忍之觸忤斯能為人不能為之事功  
人不知而不愠最為難事今人少被人侮慢即有不  
平之意是誠德之未至也  
一念之善景星慶雲一念之惡烈風疾雨  
恒人不可與言上正猶徐無鬼武侯之對也  
許魯齋曰世間巧拙俱相半不許區區智力爭此言

宜念

劉靖脩高士也百世之下聞其風者莫不為之興起  
一誠足以廉頑立懦  
側媚小人惟得是務不自知其可賤也

劉靖脩有鳳凰翔于千仞之氣象  
未同而與言古人所深配  
要當渾厚中有分辨者在乃可  
真是天理民彝不可泯滅  
立得脚定却須寬和以處之  
但當自求所未至者知不知在人我何與焉

正一  
作鳥

法者輔治之具當以教化為先

習於見聞之久則事之雖非者亦莫覺其非矣

所貴於智者為能別賢否分是非也是非賢否不能

辨焉足以言智

舉萬物莫能尚其過人遠矣

首周子惟程珦知之宜其生二程為道學之宗也

千萬人一人宜其識非常人所及

止未作禁游民所以敦財利之源省妄費去冗食所

以裕財利之用

聖賢惡異端為其陷人心耗財用貽害之大



財出于民費用廣則財不足財不足則賦歛重賦歛  
 重則民窮民窮則力竭力竭則本搖  
 伍舉曰私欲弘侈則德義鮮少德義不行則近者騷  
 離遠者違距亦名言也  
 無深遠之慮樂淺近之事者恒人也  
 其何能淵載齊及淵詩之意深遠矣非孟子能知  
 之  
 無妄語入誠之門深宜體此  
 與人言宜和氣從容氣忿則不平色厲則取怨  
 民至愚而神不可欺也惟至誠足以動之

中立自  
 一本作  
 中立之

二本  
 作二

中立自謂從明道年久未嘗見其有暴厲之容宜觀  
 明道之氣象  
 德冠古今功滿天下皆分內事與人一毫殊不相干  
 何矜伐之有  
 進將有為退必自脩君子出處惟此一事  
 記曾點之言志獨詳其本末亦見道之大意者與  
 宋鑑取予是非未當者多讀者宜自謹擇  
 顏子為仁之效天下歸仁仲子為仁之效邦家無怨  
 其大小可見  
 漢初君臣大抵尚欲如躡足封信蕭何賤市民田漢

許一本  
作偽

詩書金卷九

祖詐遊雲夢之類此其為雜霸之治  
人有以自樂則窮通為一

太史公作屈平傳有感而然也

太史公作賈誼傳不載治矣疏載帛在原鵬鳥賦亦

有感而然也

漢法去秦無幾觀武帝時可見

天地上下同流是乾道變化萬物各得其可  
是各正

性命

為學只要分理欲二字

程子言惡亦不可不謂性也此指理在氣中首子言

性惡則專主氣言故有不同

孔子因堯舜三代之遺典故得以刪述  
堯舜之道非孔子無以明濂洛之道非朱子無以發

濂洛諸儒之遺論故得以折衷去取

周子程子張子之學非得朱子為之發明後世紛

紛莫知所定論矣

理無形也假象以顯義易卦太極圖皆然

使堯舜禹湯文武周孔顏曾思孟周程張子之道昭

然明于萬世而異端邪說莫能雜者朱子之功也

韓子謂孟子之功不在禹下余亦謂朱子之功不

在禹下

讀書錄卷九

十一

在孟子下

氣有消息理無窮盡

理無方體無窮盡

朱子門人陳北溪論理切實

程子曰在物為理處物為義陳北溪曰理是在物當

然之理義所以處此理

行道而有得于心之謂德不但動時如此雖靜而有

得于心即所謂德默而存之有得于心非所謂德

乎

非禮勿視聽言動便是克己視聽言動之合禮處便

默而以下一本為別條

是復禮

程子曰不仁者無所知覺指知覺為仁則不可竊疑

知覺之所以能知覺者由生理之流行而無間也

生理是仁知覺是智如人一身生理周流無間是

仁有是仁方能知覺痛痒生理不周流則不仁不

仁則不知痛痒所謂手足痿痺不仁也

仁則滿腔子是惻隱之心故有知覺不仁則此心須

然無知覺矣

知覺不可訓仁所以能知覺者仁也

體言理用言象體用一源言理而象在其中顯言象

一源理之言理一本作以理

續書錄卷九

微言理顯微無間以象言而理在其中  
 天以一理賦與萬物人得其全物得其偏于全之中  
 又有氣質昏明強弱之不齊惟生知上聖氣得其  
 清于全者無所蔽中人以下則氣質昏濁而全者  
 不能無蔽與物之偏者無異此人有近于物者物  
 於偏之中又有得其一端之明者如睚鳩有別蜂  
 蟻君臣之類此物有近于人者但物之氣質之偏  
 終為所拘不能通乎理之全惟人能變化氣質則  
 有可通之理故張子曰善反之則天地之性存焉  
 氣質之性君子有弗性者焉

不知言則無以知人蓋知言則理明于人之賢否無  
 遜情如鑑之照物

臨川吳氏曰太極無動靜故朱子釋太極圖曰太極  
 之有動靜是天命之流行也此是為周子分解太  
 極不當言動靜以天命有流行故只得言動靜言  
 竊謂天命即天道也天道非太極乎天命既有流  
 行太極豈無動靜乎朱子曰太極本然之妙也動  
 靜所乘之機也是則動靜雖屬陰陽而所以能動  
 靜者實太極為之也使太極無動靜則為枯寂無  
 用之物又豈能為造化之樞紐品彙之根柢乎以

是而觀則太極能為動靜也明矣

宋高宗中與之主陳少陽岳飛皆死于讒佞信用汪

黃秦檜之奸邪其不亡者幸而已

水火木金土五行雖各具一性却總是一箇太極之

理但五行之氣各有偏故所得不全耳如普照

萬物總是一箇日光而得其光者有偏全由物有

本小不同而日光則本無不全也朱子所謂五行

各一其性而太極渾然之全體無不各具於一物

之中而性無不在者此也

宋徽宗崇道教真宗啓之也其款可見矣

語大天下莫能載萬物統體一太極也語小天下莫

能破萬物各具一太極也

戰國之時舉世趨利而孟子言仁義是以所如不合

性如水水本清被泥沙濁了便濁了也只得謂之水

性本善被氣質夾雜惡了便惡了也只得謂之性

故程子曰惡亦不可不謂之性者此也

人心無一毫私意便與天地萬物之理相合為一

聖人教人只是文行忠信未嘗極論高遠

教人言理太高使人無可依據聖人未嘗輕以理之

本原語人也

讀書錄卷之九終

*[Faded handwritten text, likely bleed-through from the reverse side of the page]*

讀書錄卷之九終

在天為命在人為性一而二之而一者也

理無空缺與人之心之性渾合無間

敬以直內之語自夫子始發之至程朱發明其義無

餘蘊矣

陽動之時太極在陽中陰靜之時太極在陰中以至

天地萬物無所不在此理不離乎氣亦不離乎氣

也

太極圖上，一圈之中冲漢無朕而陰陽五行男女萬

物之象已具所謂體用一源也陰陽五行男女萬

一不大  
正言無  
多字

物而太極之理隨在所謂顯微無間也  
程子曰以小人貪求不已之心移於進德則何善如  
之此即孟子所謂求有益於得者求在己者也  
董卓鄙鳩之金亦愚矣哉身行不義自斃而己其能  
有之乎夫此其則亦謂之曰本心也  
治亂無不自微至大者復姤初爻可見  
惡由微以至大坤之初六可見  
尚義則道日長尚利則道日消天下治忽分焉  
朱子超然遠引當時小人方欲以利祿輕重之是何  
異鳴鴉得腐鼠而嚇鶴鷲也

滔滔趨利之勢不已必至于亂非聖賢孰能救之此  
孟子之書首言仁義以拔本塞源也  
人已一也浚人之脂膏以自肥何其不仁如是哉  
姤下陰生于下群陽不能自立君子謹之  
夏月陽氣充盛萬物暢茂嘉美之會也  
春秋最重民力允有興作小大必書聖人仁民之意  
深矣  
秦惡聞其過而亡漢好謀能聽而興豈非千古之永  
鑑歟  
天理本順而自逆之是故惡夫鑿者

讀書錄卷二

鳥知擇巢人不知擇所處可以人而不知如鳥乎  
南宋之君大抵無剛明者雖朱子之賢不能用群姦  
未得志終至債國豈非後世之鑑乎  
昭烈孔明抑于史筆之不公至朱子綱目然後大義  
明于萬世  
朱子楚詞集註成于晚年所感者深矣  
元劉清脩不屑就其意微矣  
司馬公勸仁宗建儲一事可謂大忠  
忠臣事君視天下猶一家非為身謀也  
聖賢之言專務明理不尚文彩然理明辭順自無不

文常之言專尚文彩理為未明文亦何用  
萬物美惡精粗不齊者皆氣之為也  
耳目口鼻小體也皆能知聲色臭味心大體也反不  
能知義理是非感莫大焉  
或問太虛程子曰亦無虛遂指虛曰皆是理安得謂  
之虛天下無實于理者朱子曰天下之理至虛之  
中有至實者存至無之中有至有者存夫理者寓  
于至有之中不可以目擊而指數也觀程朱之言  
可以知道矣  
萬事差錯只是是非顛倒



不致肆而羞惡之心亡矣

人猶知論人之是非而已之是非則不知也

吮癰舐痔而得車多者小人之無耻也

朱子曰程子言仁本末甚備今撮其要不過數言蓋

曰仁者生之性也而愛其情也孝弟其用也公者

所以體仁猶克己復禮為仁也學者于前之三言

者可以識仁之名義于後一言可以知用力之

因默念一陰一陽之謂道繼之者善也成之者性也

竊以繼成皆以氣言貼陰陽字說善性皆以理言

貼道字說及檢陳北溪性理字義與鄙意合因

朱子曰一陰一陽之謂道太極也繼之者善生生不

已之意屬陽成之者性各正性命之意屬陰陰陽

之外無一物繼善成性無須更止息

往年在湖南嘗行沅州北澗谷中霧雨蒸濕及登高

山絕頂則日光晴霽俯視沅州城郭及眾山之低

小者雲氣浮繞往來其間駛如奔馬開闔萬變是

時必雨于其下矣以是知雲氣最低方雲合而雨

之時日在雲上未嘗不先霽也

天最高日月星辰次之雲氣最低凡雲氣皆在日月

星辰之下以是知其最低也

邵子曰乾四十八而四分之一分為所剋之陰也蓋  
 自乾至泰乾夫大有大壯小畜需大畜泰凡八卦  
 共四十八爻分作四分每分十二爻其三分三十  
 六陽爻其一分十二陰爻也又曰坤四十八而四  
 分之一分為所剋之陽也蓋自坤至否坤剋比觀  
 豫晉萃否凡八卦共四十八爻分作四分每分十  
 二爻其三分三十六陰爻其一分十二陽爻也  
 忠如水之源怒如水之流一箇忠做出百千箇怒來  
 一箇源流出千百道水來即忠怒而一貫之旨明  
 矣自然體立用行者聖人之忠怒也盡已推已者

學者之忠怒也曾子言夫子之道忠恕而已矣非  
 謂學者盡已為忠推已為恕也姑借忠以明一之  
 體借恕以明貫之用故知盡已推已其施無窮則  
 知一貫之理不盡矣  
 中庸之忠恕乃學者盡已推已之正名即程子所謂  
 動以入也論語之忠恕乃聖人自然之忠恕即程  
 子所謂動以天也  
 太極圖見天人合一之妙  
 太史公言漢武帝謹苑鉤戈夫人與凡有子之墳御  
 為能杜絕後來之女亂是則然矣亦非仁者之心

也誠使法嚴倫理明則後世之女亂非所憂也  
如文王之脩身齊家以及天下歆使萬物皆得其  
所何至不仁如是乎

張子曰鬼神者二氣之良能也良能是其自然能伸  
能屈之妙朱子曰鬼者陰之靈神者陽之靈靈即  
謂良能也

天地之開闔世運之興衰日月之往來晝夜之變化  
寒暑之推遷萬物之始終皆陰陽之氣屈伸消息  
為之主此鬼神所以體物而不可遺者也  
海水是衆水之聚與山澤通氣有源之水不同嘗問

海上居人海水味鹹其海中山岳井泉之水却甘  
以是知海水與有源之水不同

陰陽不在五行外太極亦豈在陰陽外所謂精粗本  
末無彼此也

周子言男女而萬物在其中言萬物而男女在其內  
互文也

魏公子無忌從車騎虛左迎侯生生直上載公子上  
坐此載字亦加載之意與老子屈子楊子載魄之  
載字同義

聖賢之言皆平易易知後世儒者有作禪語以見於

文辭者雖曰明理失平易之意矣

陳平以金間楚即戰國之術

有以釋老機巧之言解吾書者幾何而不陷乎異端

文武成康之治一變而為春秋再變而為戰國極

朱子曰乾一而實故以質言而曰大地二而虛故以

量言而曰廣

程子易傳質慧精深廣大微妙朱子本義亦有不能

出其外者

程子之易主孔子但與本義不合

人之為學當於性情上用功尤切

知而不去為智雖知不能固守而去之焉得為智

四方上下往來古今實理實氣無絲毫之空隙無一

息之間斷

西銘只是欲人存天理

人物皆得天地之氣以成形所謂天地之塞吾其體

皆得天地之理以成性所謂天地之帥吾其性體

性人與物皆同所謂理一也然人得其氣之正而

理亦全物得其氣之偏而理亦偏聖人尤得其氣

之最清最秀者故性極其全與天地合德賢者稟

氣次乎聖人故其德出乎凡民皆分殊也

致知力行惟在于實一有不實則不能造其極矣  
夫子四教忠信為文行之本夫忠信者天賦之性也  
思慮萬事萬理不過一實一實者天賦之性也  
為學不實無可歸之地  
人之所為一有不實即為妄妄即為妄妄即為妄  
人而不實無一而可  
人于實之一字當念念不忘隨事隨處省察於一動  
居處應事接物之間必使一念一事皆出于實斯  
有進德之地  
千言萬語只在實

因讀天地之塞吾其體之塞字益知上下四方氣之  
充塞無絲毫之空隙  
天地之塞吾其體得天地之氣以成形也天地之帥  
吾其性得天地之理以成性也踐形則能全天賦  
我之體盡性則能全天賦我之理知化窮神者樂  
天而能踐形盡性也無愧無忤者畏天而求踐形  
盡性也  
古語云天定能勝人人定亦能勝天如古者無道之  
世若秦若隋若武氏之流方其勢盛之時虐焰如  
烈火不可近此人定勝天也及其罪盈惡稔人怨

天怒勦絕覆亡之無遺育此天定勝人也善惡之  
報豈不明甚信古語之不誣其德也  
繼之者善化育之始流行而未已也陽也成之者性  
物稟受一定而不易陰也  
繼之者善就造化流行上說成之者性就人物稟受  
正說  
萬物至大者皆有外惟理之大無外萬物至小者皆  
有內惟理之小無內  
天地萬物皆虛惟理最實  
陰陽五行男女萬物太極都在裏許上十四之慮之

一本分自  
其著者  
以下為  
別條

朱子謂河圖之數不過一陰一陽一奇一偶以兩其  
五行而已蓋河圖一六水二七火三八木四九金  
五十土皆兩其五行也自其著者觀之則動靜不  
同時陰陽不同位而太極無不在焉所謂顯微無  
間也自其微者而觀之則冲漠無朕之中而動靜  
陰陽之理已具于其中矣所謂體用一源也  
理氣象數初不相離如乾之健理也其象天象也其  
所以為象者氣也氣之有次第節限者數也  
豫上六曰冥豫成有渝無咎復六三頰復厲無咎皆  
廣遷善之門也

讀書錄卷一

以五乘十二六十也以十二乘五亦六十也即參伍之義

易曰憂悔吝者存乎介介即周子所謂幾善惡也

朱子曰太槩者易須謹守象象之言聖人自解得極

精密乎易竊觀朱子解文王彖辭惟主孔子

能良其背便不獲其身行其庭不見其人

孔子惡利口之覆邦家者千萬世國家亂亡皆由

大人虎變未占有孚如成湯自其征伐之先已有

蘇之望是未占有孚也

朱子之易惟主卜筮與程子異其論亦有不出程傳

之外者

聖賢千言萬語只要人在天理去人欲

天之道知也地之道仁也聖人與天地相似者知仁

而已知周乎萬物者知也道濟乎天下者仁也樂

天知命故不憂知也安土敦仁故能愛仁也天地

之道不外乎仁知聖人之道亦不外乎仁知此聖

人與天地合德也

易曰一陰一陽之謂道繼之者善也成之者性也繼

成以氣言從陰陽字來善性以理言從道字來

程復心大學章句圖首畫太極圖中間著一氣字是

正一作

以氣言太極周子無極而太極專以理言也程說  
曰太極未有象惟一氣耳是即漢儒異端之說又  
豈識所謂太極哉  
河圖之一奇一偶造化之一動一靜人之一呼一吸  
皆一陰陽也  
東漢之規模不如西漢者正以光武好吏事不如高  
祖得<sub>二</sub>人君之體也  
光武以識緯論學何以為出治之本  
陰陽無時不相勝陰退則陽勝陰陽退則陰勝陽一  
陰一陽相勝而不已也

剥盡為坤陽生為復夫盡為乾陰生為姤聖人于陽  
一曰復于陰曰姤扶陽抑陰之意也  
東漢黨錮諸君子正不知群陰並長之時而欲力勝  
之難矣  
聖人之進退存亡與造化消息盈虛之理為一異乎  
漢末諸賢矣  
漢末諸賢先儒謂一變則至於道  
後漢賢者刻意尚行若不可及及槩以中庸之道則有  
不合者矣  
太極理也生物之本陰陽五行氣也生物之具男女



萬物皆自此出而理氣則渾融無間也  
至大者道也聖人之門而道存焉游其門者難為言  
可知矣  
地處天中而有盡天包地外而無窮  
三代之後有漢世道之太降也三代聖人皆以道治  
天下漢高不喜詩書至溺儒冠豈非世道之大降  
漢高有功于天下固大矣其脩身無本治家無法以  
詐御臣下視禹湯文武為何如哉  
上下四方理氣充塞無窮盡無方體  
無一時一事而無理故當無一時一事而不習此學

而時習之也今人特以執卷誦習為習此特習所  
知之一端耳又豈能盡時習之功哉  
時時皆通處處皆道事事皆道道不可離如此存養  
省察之功不可須臾或間也  
陰陽變易自人身以至天地萬物無時不然知此則  
知易矣  
人動作皆以天則無妄不以天則妄矣  
曾點見夫人欲盡處天理流行為飛魚躍之意  
著龜雖是卜筮之物聖人却未必用而神靈之理已  
具如武雖是殺人事聖人却存此神武而不殺

不假卜筮而知吉凶所以說神武而不殺而不  
神武得其理而不假其物猶着龜得其神之理而不  
假卜筮也  
顏子問仁專言之仁朱子以心之全德釋之則仁義  
禮智之德無不包矣

論語多專言之仁  
體用一源是隱而費顯微無間是費而隱  
程子曰予所傳者辭也由辭以得其意則在人焉爾  
讀書之法皆當由辭以得意徒得其辭而不得其  
意章句文字之學也

只是循天理便有序而和故仁者禮樂之本也  
實理皆在乎萬物萬事之間聖賢之書不過模寫其  
理耳讀書而不知實理之所在徒滯于言辭之末  
夫何益之有

大德敦化理一也小德川流分殊也  
維天之命于穆不已者理一也乾道變化各正性命  
者分殊也  
讀西銘理明而心廣  
統天地萬物言之理也天地萬物各有一理分殊  
也就天言之天一理也而天之風雲雷雨之屬各

有<sub>二</sub>理其分殊也<sub>一</sub>就<sub>二</sub>地言之<sub>一</sub>地一理也而地之山  
川草木之類各有<sub>二</sub>理其分殊也<sub>一</sub>就<sub>二</sub>人一家言之<sub>一</sub>  
一理也而人之父子夫婦長幼之類各有<sub>二</sub>理分  
殊也<sub>一</sub>就<sub>二</sub>人一身言之<sub>一</sub>一理也而四肢百骸各有<sub>二</sub>一  
理分殊也<sub>一</sub>就<sub>二</sub>國天下言之<sub>一</sub>莫不皆然<sub>一</sub>就<sub>二</sub>草木  
木言之<sub>一</sub>一理也而枝幹花葉之不同分殊也<sub>一</sub>理一  
行乎分殊之中分殊不在理一之外一本萬殊萬  
殊一本也<sub>一</sub>以貫之即大德敦化小德川流即一理而分殊也  
天地間<sub>一</sub>若塵紛擾無<sub>二</sub>頃刻止息無毫髮間斷<sub>一</sub>是皆氣

應一  
作窓

機使然觀<sub>二</sub>日射<sub>一</sub>窓<sub>二</sub>屋之間<sub>一</sub>可見因有詩曰日射<sub>二</sub>屋  
山<sub>一</sub>內<sub>二</sub>烟華幾丈<sub>一</sub>虹<sub>二</sub>游塵從此見<sub>一</sub>長<sub>二</sub>滿太虛中<sub>一</sub>  
為<sub>二</sub>學第一<sub>一</sub>功夫立<sub>二</sub>心為本<sub>一</sub>心存則讀書窮理躬行踐  
履皆自此進<sub>一</sub>孟子曰<sub>二</sub>學問之道無他求<sub>一</sub>其放心而  
已<sub>一</sub>程子曰<sub>二</sub>聖賢千言萬語只是欲人將已放之心  
收<sub>一</sub>之<sub>二</sub>反入身來<sub>一</sub>自能尋<sub>二</sub>向上去<sub>一</sub>皆此意也  
天地有動靜之復無善惡之復人有善惡之復有動  
靜之復<sub>一</sub>聖人無復者以善惡而言也<sub>一</sub>聖人之心渾  
然至善未嘗間斷<sub>一</sub>故不見其復若動靜之復則亦  
有<sub>二</sub>之<sub>一</sub>

讀書錄卷六

趙宋亡國規模不如漢者以封建之法不立無藩屏  
 根柢之固故一遭變故蕩然不可維持也  
 趙普自謂以半部論語佐趙祖定天下蓋亦太言而  
 已其實未見行論語一言也如伯夷叔齊求仁而  
 得仁使趙普真知此理其肯定陳橋之策乎  
 趙普克伐怨欲必行其功雖大而德或未也  
 尹和清謂動靜一理伊川曰試喻之遠聞鐘響尹曰  
 譬如未撞時聲固在也伊川喜曰且更涵養竊謂  
 鐘未撞時聲固在即心未感時理已存陰未動時  
 陽已具皆動靜一理也  
 讀書錄卷之十終

讀書錄卷之十一

誠即五常之實理非五常之外別有誠也如實有是  
 仁實有是義實有是禮實有是智是也  
 即理而物在其中即物而理無不在如未有此官室  
 已有此官室之理及有此官室而理即在官室之  
 中如未有天地萬物已有天地萬物之理及有天  
 地萬物而理即在天地萬物之中所謂體用一源  
 顯微無間也  
 名臣言行錄載伊川為講官時文士歸其門者甚眾  
 而伊川亦以天下自任論議褒貶無所顧避竊謂

易下  
一有  
者字

此八字或記言者之過伊川知易豈容信口議論  
褻貶而無顧避乎

朱子曰無極而太極所以明夫道之未始有物而實  
為萬物之根柢也

人多於快意之事忘却道

人為學至要當于妄念起處即遏絕之予每常用  
於此故書以自勵

忘與助學者之通患

宋徽宗結金人政遼之事始于童貫挾馬植來  
之肇亂也如此

種一  
作政

太極只在乎動靜而已

朱子稱周子曰先生之精因圖以示先生之蘊因圖

以發其曰精者即無極而太極陰陽五行男女萬

物也其曰蘊者即包涵無窮之理也

太極者合天地萬物之理而一名之耳

易有太極易即陰陽太極即道也

澤藏珠而川媚石蘊玉而山輝有本之謂也莊子曰

聖人貴精此之謂與

河圖洛書萬數萬象萬理之源

天以至理示人者河圖洛書是也

太極圖用功之要只在君子脩之吉小人悖之凶脩之者脩此仁義中正也悖之者悖此仁義中正也故故則欲寡而理明寡之又寡以至于無則靜虛者正也義也太極之體以立動直者中也仁也太極之用以行而聖可學矣

劉靖脩叙學有博文之功無約禮之實或非其所作或其少作也  
河圖具五行之數春夏秋冬元亨利貞仁義禮智無不在焉  
河圖一六水二七火三八木四九金奇數二十偶數

二十中虛五以象太極是即五行一陰陽陰陽一太極也

兩儀四象八卦以至六十四卦象數之理即太極也象數理氣渾然無間理雖不雜亦不離也

伊川為講官以三代之上望其君從與否則在彼而已其肯自貶其道以徇之哉

伊川晦菴為講官時姑取以備故事資口耳而已子下以真知力行望其君宜其不合也

咸九五咸其脢無悔脢背肉感所不見之地則無悔武王不忘遠當之

太極解未至此而脩之不知此而悖之此皆指中正  
 仁義而言  
 孟子論仁義禮智即太極也  
 中正仁義性也性即太極也夫豈性之外復有太極  
 太極之外又有所謂性哉  
 太極之理中庸脩之  
 六經四書之理不出太極  
 先儒曰懲心一萌便思禮義以勝之即窒慾之要也  
 古人有曰不見可欲使心不亂故四勿視為先  
 人只是有已故不餽與天地同其大其要惟在克己

河圖一六二七三人四九之數各相合洛書一六二  
 七三八四九之數各相近  
 發明太易象數之原始於即子繼之者朱子也  
 作易本原不過夫子易有太極是生兩儀兩儀生四  
 象四象生八卦數語但諸儒不之察獨即子朱子  
 能發明之  
 河圖虛其中者太極也奇數二十偶數二十者兩儀  
 也一六二七三八四九者四象也四實四空者八  
 卦也夫子易有太極是生兩儀兩儀生四象四象  
 生八卦之言蓋本于此

朱子論易象數皆本于大傳

啓蒙見作易之原與卜筮之本義

聖人方靜之時正也義也寂也太極之體以立方動

之時中也仁也感也太極之用以行此聖人之

動一靜無非妙道精義之發有不待言而著者

學易只在語默動靜之間須時時學之

聖人方靜之時百體收斂一心湛然而萬理咸具及

其動也隨感而應動容周旋上禮耳目有聰明之

理手足有恭重之理以至人倫之間各有仁義禮

智信之理夫豈待言而後著哉

天雖不言而元亨利貞循環無端運而為春夏秋冬

之序發而為溫熱涼寒之氣萬物生長遂成各正

性命夫豈待言而後顯哉

聖人發無言之教以示學者當求聖人之道于一身

動靜應事接物之間不可專求聖人之道于言語

文字之際也

學須切問近思方可見道不遠

易不外動靜

人之動一靜而太極無不在焉太極者本然之妙

也動靜者所乘之機也陰陽動靜亦如此



朱子論喜怒哀未發之中曰益當至靜之時但有能知  
覺者而未有所知覺也故以為靜中有物則耳而  
便以為纔思即是已發為比則未可以為坤卦純  
陰而不能無陽則可而便以為復之一陽已動為比  
則未可也

朱子曰程子言纔思即是已發能發明子思言外之  
意蓋言不待喜怒哀之發但有所思即是已發此意  
已極精微說到未發界至十分盡頭不可以有加  
矣

夬之上六不言陰有復生之理獨于剝之上九言陽  
有復生之理聖人扶陽抑陰之意也

庖丁解牛順其自然之理而行之如技經肯綮之未  
嘗逆理則大軼矣

庖丁解牛只是順理

謝氏曰明道先生善言詩未嘗章解句釋但優游翫  
味吟哦上下便使人有得處又曰明道先生談詩  
並不曾下一字訓詁只轉却一兩字點撥念過便  
教人省悟竊觀朱子詩傳只轉一兩字點撥念過  
蓋得明道談詩意也

孔子教人，不語必未至者。

朱子文集有未為定說者，如盡心、知性一段，與孟子

盡心、知性集註不同，當以集註為定說。

道體至中庸，發明顯著矣。

復之卦，辭言造化之復，爻辭言及心之復。

知時識勢，學易之大方也。

朱子與皇甫文仲帖曰：本義義理不能出程傳，但節

得差簡畧耳。

朱子曰：感是事來感我，通是自家受他感處之義。

外聖賢之學，便是異端機權世俗之學。

然一作故

許魯齋曰：吾道太公至正，以天下公道大義行之，然

其法度森然，明以示人，竊謂異端正與吾道相反。

朱子曰：孔子只說義之和為利，不去利上求利，只義

之和處便是利。又曰：義者得宜之謂，處物得其宜

不逆萬物，即所謂利。

程子曰：敬義夾持，直上達天德，自此為學之要也。

張堯見擔夫與公主爭道，及公孫木娘舞劍，而草書

進，乃心嘗思念至此，而感發。程子曰：須是思方有

感悟處，若不思怎生得如此。然可惜張堯留心于

書，若移此思道，何所不至。此即無忘之意。

思作心  
學二字

師初六爻辭曰師出以律不滅凶象曰師出以律失  
律凶也失律即不滅也此以律不滅而無責人之心君子行有不  
得皆反諸己而無責人之心此以律不滅而無責人之心焉飛魚躍是道理無  
一毫之空缺處逝者如斯不舍  
晝夜是道理無一息間斷處此以律不滅而無責人之心張子曰無天下國家皆非之理學至于不責人其德  
進矣此以律不滅而無責人之心春夏之陽木火之氣也秋冬之陰金水之氣也此五  
行陰陽無餘欠也此以律不滅而無責人之心陰陽不在五行外太極不在陰陽外此以律不滅而無責人之心


公孫支言夷吾忌克忌猜疑克好勝二者人之大病  
也不可不去此以律不滅而無責人之心知至至之上至字是至處下至字是到那至處知終  
是終處終之是終而不去此以律不滅而無責人之心夫剛立之稱見比卦傳  
自古作史者尚非大公至正之人愛憎取舍之間失  
其實者多矣孟子曰盡信書不如無書莊周曰儒  
者偽辭劉靖脩詩曰記錄紛紛已失真語言輕重  
在詞臣若將字字求心術恐有無邊受屈人數子  
之言曲盡作史之弊此以律不滅而無責人之心

所一  
作可

靈生木中枝葉從之類竹詩曰顛沛之揭枝葉未有  
害本實先撥故王者必治內為本內不治而末雖  
安不足恃也漢元成哀平之世可見矣  
引子曰運轉不已天地密移疇覺之哉是天地之化  
無一息之間如人之自少而老物之自盛而衰無  
須臾之不變但人自不察耳  
無卜筮而知吉凶最宜詳觀人所為順理即所謂  
迪吉又何必卜筮而知吉乎人所為悖理即所謂  
從違凶又何必卜筮而後知凶乎  
無行所悔最為難事

雷擊而為雷斧星隕而為石是皆氣結而成者以是  
知土石之類皆天地之初氣凝結而成但剛為陽  
柔為陰耳

五行固有陰陽就水木火金土上又各有陰陽如水  
陰也其質屬陰其氣屬陽之類



讀書錄卷之十一終

